

搗取蒲公英根莖白汁塗之惟多塗立差止此方出孫思邈
千金方其序云余以正觀五年七月十五日夜以左手中指
背觸著庭木至曉遂患痛不可忍經十日痛日深瘡日高大
色如熟小豆色嘗聞長者之論有此方遂依治之手下則愈
痛亦除瘡亦即差未十日而平復楊炎南行方亦著其效云
效方治狐尿刺螫痛

杏仁細研煮兩沸承熱以浸螫處數數易之

外臺祕要治剝馬被骨刺破中毒欲死

取剝馬腹中糞及馬尿洗以糞傅之大驗絞糞汁飲之效

聖惠方治馬咬人毒入心

道藏輯要

肘後備急方

堯

虛集十一
川×文

馬齒莧湯食之差

靈苑方治馬汗入瘡腫痛漸甚宜急療之遲則毒深難理

以生烏頭末傅瘡口良久有黃水出立愈

王氏博濟治驢涎馬汗毒所傷神效

白礬飛過黃丹炒令紫色各等分相袞合調貼患處

治卒青蛙蝮虺眾虵所螫方第五十六

葛氏竹中青蜂螫人方

雄黃麝香乾薑分等搗篩以麝肉和之著小竹管帶之行急

便用傅瘡兼眾虵虺毒之神良

又方破烏雞熱傅之

蚰綠色喜緣樹及竹上大者不過四五尺皆呼爲青條蚰人中立死

葛氏毒蚰螫人方

急掘作坑以埋瘡處堅築其上毒卽入土中須與痛緩乃出徐王治蚰毒方

用搗地榆根絞取汁飲兼以漬瘡

又方搗小蒜飲汁以滓傅瘡上

又方猪耳垢著瘡中牛耳中垢亦可用之良

又方嚼鹽唾上訖灸三壯復嚼鹽唾之瘡上

又方搗薤傅之

道藏輯要

肘後備急方

丰

虛集十一

又方燒蜈蚣末以傅瘡上

又方先以無節竹筒著瘡上鎔蠟及蜜等分灌筒中無蜜單蠟亦通

又方急且尿瘡中乃拔向日閉氣三步以刀掘地作小坎以熱湯沃坎中塗作丸如梧子大服之并以少泥泥之瘡上佳
又方桂心苦蘘分等爲末用小竹筒密塞之以帶行卒爲蝮蚰卽傅之此藥療諸蚰毒塞不密則氣歇不中用

一切蚰毒

急灸瘡三五壯則眾毒不能行

蝮毒

搗鬼針草傅上卽定

又方荆葉袋貯薄瘡腫上

又方以麝肉塗腫上血出乃差

又方以合口椒并葉搗傅之無不止

又方切菜刀燒赤烙之

附方

梅師方治虵虺螫人

以獨頭蒜酸草搗絞傅所咬處

廣利方治虵咬方

取黑豆葉剉杵傅之日三易良

道藏輯要

肘後備急方

圭

虛集十一
川上支

廣濟方治毒蛇嚙方

菰蔣草根灰取以封之其草似鷺尾也

兵部手集主蛇蠍蜘蛛毒

雞卵輕敲一小孔合咬處立差

劉禹錫傳信方治虵咬蝎螫

燒刀子頭令赤以白礬置刀上看成汁便熱滴咬處立差此

極神驗得力者數十人貞元三十二年有兩僧流向南到鄧

州俱爲虵嚙令用此法救之傅藥了便發更無他苦

治虵瘡敗虵骨刺人入口繞身諸方第五十七

葛氏凡虵瘡未愈禁熱食食便發瘡之依初螫人法